

Verabschiedung Magdalena Rieben

U itze darf ig üser langjährige Kassierin Merci u Adie säge. 22 Jahre lang het **Magdalena Rieben** mit enormem Ysatz, grosser Fachkenntnis u finanzielle Leischtige, d'Bärekasse gführt. Das si fasch 30% vo ihrem Läbe.

Überno heig sie ä Ghetto-Kasse, die aber sofort uf Kurs brunge. Zu däm Zypunkt het d'Bäre-Kasse meischtens mit emene Defizit vo gäge 7'000 Franken abgeschlosse. Das Defizit het de aube d'Gmein Chonufinge überno. Vermöge het me es paar hundert Franke gha. Drum het d'Magdalena aui Rächnige, wo afangs Jahr si fällig worde, us ihrem eigete Sack vorgschosse.

Das hett sich im Louf vo de Jahre besseret u hüt stöh mir usgezeichnet da.

Was sech o starch gändert het, sie die verschiedene Buechhautigsprogramm. Die hei i au dene Jahre viu Ysatz u Chönne verlangt. O die Aforderige het Magdalena jewyls mit Bravur gmeischeret.

U de isch üsi Kassierin o e grosszügegi Gaschtgäbere gsi. Für Heizchöschte z'spare, hei d'Vorstandssitzige i de Wintermonete ihr Wohnig vor Magdalena stattgfunge u das bi herrlecher Verpflegig. We mir ds Mueseum putzt hei, isch Magdalena mit Gipfeli verbicho. Die Lichte cha me no erwitere. Vo däm Auem het üsi Kasse nüd gmerkt u derzu bytreit, dass sie itze so guet dasteiht.

Magdalena isch im Vorstand o aus Protokollführere igsprunge u die Verantwortleche vom Museumsteam dörfe witerhin mit ihrem schriftleche Ysatz rächne.

Magdalena - ig möchte dir, im Name vo de Vorstandkolleginne u Kollege, aber o vom Verein aute Bäre, für die jahrzähntälangi, grossartigi Arbeit vo Härze danke. Üsi Fründschaft wird wyter bestah.

Res Maurer

Aui awäsende Mitglieder danke der Magdalena Rieben mit der Verleilig vor wouverdiente Ehremitgliedschaft.